

# КЪУРБАНД СУВАР МУБАРАКРАЙ!

РД-дин АХЦЕГЪ РАЙОНДИН ОБЩЕСТВЕННО-ПОЛИТИЧЕСКИЙ ГАЗЕТ

ТЕБРИК



За районгълийриз алуьк-завай Къурбанд сувар риклин сидкьидай мубаракзава! Заз квехъ ва куь хизанрихъ чандин мягкъем сагъламвал, ислыгъвал ва хушбахтвал хъана кланзава. Къуй Аллагъ Таалади куь къени крар къабурлай ва абурлай квеь жумартвилелди берекатар агакъаррай!  
«Ахцегъ район» МР-дин къил О.М. АБДУЛКЕРИМОВ.



1928-йисалай акъатзава

№30 (8738) арбе

12+

# ЩШШШ ДУЪНЪЯ

29-июль, 2020-йис.

Газет гъафтеда садра акъатзава.

Къимет 10 манат

## РАЙДАМИНИСТРАЦИЯДА СОВЕЩАНИЕ

### ЯШАЙИШ КІВАТІЗАВАЙ НАЛОГРИЛАЙ АСЛУ Я

Даш АЛИЕВ

Коронавирусдикай игътият яз, 28-июлдиз Ахцегъ райадминистрациядин нубатдин совещание сифте яз видеоконференциядин (ВКС) режимда тешкилна. Ам, сифте гаф рахуналди, «Ахцегъ район» МР-дин къил Осман Абдулкеримова ачухна ва кыле тухвана.

- Алай вахтунда чи вилик акъвазнавай лап жавабдар ва важиблу месэлайрикой сад школярни аялрин бахчар келунин цийи йисаз газурун я, - башламышна йикъан месэладай гаф къачур райадминистрациядин къилин заместитель Вадим Агъасиева. - 1-сентябрдилай абур адетдин къайдада кваллахда. Исятда райондин руководстводин гуьзчивилик кваз 7 школада капиталныйидаказ ва амайбура косметикадин ремонтин кваллахар кыле тухузва. 25-августдади абур вири аялар къабулдиз газур жеда...

Образованидин месэлайриз талуьк яз, Осман Магъмудовича школайрин директорриз штатрин расписанияр къайдадиз хкунин, школайрин территорияра видео-

камерар эцигунин, аялар кфетлу чими туйнралди таъминарунин тапшуругъар гана.

Налогар кватгунин ва чилерни капиталный эцигунар (ОКС) актуализироватунин месэладай гаф экономикадин отделдин начальник Фатима Агъмедовадиз гана. Ада къейд авурвал, пандемия себеб яз, районда налограй йисан 7 вацран пландин тапшуругъар тамамриз хъанач ва и рекъий кваллах исятдани зайиф я. Иллаки рази тежедай гьалар Ахцегърин, Калукрин, Смугъулрин, Цуругърин ва Хуьруьгрин СП-ра ава...

- Гъилейвай йисуз Ахцегъ райондиз санлай (образованидин, спортдин, яшайишдин хилериз) гъич садрани тахъай къван - са миллиард манатдилай гзаф инвестицияр ахъайнава. Гъа са вахтунда чавай чкайрал законди истемиззавай гъвечи налогар кватгиз тахъун айиб я. Халкъдин яшайиш кватгизавай налогрилай аслу тирди аннамишна кьанда... - лагъана райондин регъберди ва чкайрал налогар кватгизавайвилин гъакьиндай СП-рин къилеривай гъар гъафтеда гъахъ-гъисаб авун таъкимарна.

## ЭВЕР ГУН

Гъурметлу Ахцегъ райондин агъалияр! За квез сад лагъай нумрадин тал алай месэладив - зирзбил кватгунин гъавурда акъуналди ва жавабдарвилелди эгечлуниз эверзава. Исятда и месэла неинки чи райондин, гъакь санлай республикадин руководствойрин вилик хъидаказ акъвазнава. Чна са шумуд сеферда вири СМІ-йра, соцсетра «Зирзбилдин реформадин» гъакьиндай закондин бинедаллаз 2019-йисан январдилай зирзбил хутахнал «Экологика» ООО-дин региональный оператор машгъл жезвайдан ва адавай вичин везифаяр кылиз акъуд тежезайдан гъакьиндай малуматар чапзавай. Нетижда чун еке къулайсузвилер эхуниз мажбур жезва.

Куьн гъавурда акъун лазим я хъи, зирзбил гъиниз хъайитлани гадарна виже къведач. И кар патал махсус полигонар чара авуна. Инра зирзбилдин тайин тир пай тергзава, амайди и кар патал яратмишнавай заводра гъязва. Чи зирзбил мукъвал тир полигонди къабулун патал чна ихтияр, лицензия къачуна кьанда. Райондин руководстводи ТКО энгелвал авачиз хутахунин ва тергунин кваллах тешкилун патал алахъунар ийизва. И кар патал талуьк тир вири идарайриз эвер гунар ва документар гъазурна чкайрал рекъе тунва. Идан мурад къейднавай кваллах кыле тухун патал лицензия къачун я. Гъикь лагъайтла ам гъачиз чаз кваллахдай ихтияр авач.

Лицензия къачудалди чавай анжах са кар ийиз жеда - къанажагълувал къалурун ва и месэладив жавабдарвилелди эгечлун. Чун шегъерда яшамиз жезвач ва саки гъар садахъ приусадебный участкар ава. Ина кватгиз жезвай зирзбилдин члехи пай тергиз жеда. Куьне шегъергълийрилай чешне къачумир. Квелай тафаватлу яз абуроз чин зирзбилдиз цай ядай ва я ам чилик кутадай мумкинвал авач. Недай суьрсетдин амукъаяр гъайванар хуьзвайбуруз гайитла жеда. Куьне анжах шуьше, пластика ва ракъун амукъаяр гадар ая. Гъикь лагъайтла, абур я ктлизвач, я абур ни акъудзавач.

Эгер чун вири сад хъиз и месэладив эгечл тавуртла ва хайи чилин гъакьиндай къайгъударвал члугун тавуртла, са къватривайни ва еке такъатривай зирзбилдин месэла гъязиз жедач. Къенин йикъалди чна зирзбил хутахунин рекъий мажбури серенжемар къабулнава. И кваллах кылиз акъудун патал ихтияр къачудалди за вири агъалийриз чун элкьурна къунвай тлѣбиатдив жавабдарвилелди эгечлуниз, михъивал ва къайда хуьниз ва абурал амал авуниз эверзава. Вирида а кар рикел хуьн лазим я хъи, чун виче яшамиз жезвай хуьруьн михъивилин ва агъваллувилин гъакьиндай чун чеб къайгъуда хъана кьанда.

Гъурметдивди «сельсовет Ахтынский» СП-дин къил Н. ЭФЕНДИЕВ.

## РЕСПУБЛИКАДИН КУЪМЕК КВАЧИЗ ТІЕБИАТДИН БЕДБАХТВИЛЕР АЛУДИЗ ЖЕЗВАЧ



Дашдемир ШЕРИФАЛИЕВ

Тлѣбиатдилай зурба художник, архитектор авач ва якъин адан хура акъвазизни жедач. Тлѣбии къватри ара-ара чилин акунар вичиз кланивал дегъишарда...

И мукъва, 21-22 лагъай июндиз, яргал члугур къати марфар къуниқди Ахцегъ районда вацлар хкаж хъана, кламарай гурлу селлер атана. Нетижда халкъдин майишатдиз аквадай хътин зарар хъана. Къилди къачуртла, республикадин Мегъарамдхуьр-Усугъчай-Ахцегъ-Рутул автотрасса 4-5 сятда кардикай хкатна (энгел тавуна залан техника желбуналди рехъ ачухнагъани, гилани къванер аватунин хаталувал ава). Ахты-чай вацлун дѣреда Фияз, Гутумиз, Хинез фидай рекъер са шумуд чкадилай ацахъна. Хинерин хуьруьн муьгъ тухуниқди 2 агъзуралай гзаф агъалияр яшамиз жезвай дагълух хуьр «члехи чиликай» тамавилелди хкатна. Райцентр ва мад 5 хуьр (районгълийрин 80 %) хъвадай целди таъминарзавай «Лекъе-дере - Ахцегъ» цин проводдин къилин имарат ремонтиз тежер тегъерда чклана ва икь мад.

Гъа юкьуз кыле муниципалитетдин къил Осман Абдулкеримов аваз КЧС-дин комиссиядин заседание эверна ва республикадин руководство, гъакь Дагъустандин МЧС-дин ГУ, транспортдинни рекъерин майишатдин Министрество хабардарна. Гъа са вахтунда паталай

вил республикадин куьмекдал ала.

Месэладин гъакьиндай 25-июлдиз Ахцегъ муниципалитетдин къил Осман Абдулкеримован регъбервилек кваз райондин КЧС-дин гегенш заседание хъана. Адан кваллахда райондин са жерге идарайринни карханайрин руководителрилай ва СП-рин къилерилай алава, РД-дин Халкъдин Собранидин депутат Рафик Асланбегова, райсобранидин председатель Абдулкерим

Палчаева иштиракна.

Тлѣбиатдин бедбахтвилерин нетижаяр вахтунда алудунин жигъетдай «Лекъе-дере - Ахцегъ» цин проводдин къилин имаратдал фена хтанвай райадминистрациядин къилин заместитель Роберт Гъамзаеван, ГО ЧС-дин ва ЕДДС-дин Управленидин начальник Мегъамед Моллалиеван, УЖКХ-дин руководитель Фиридин Магъмудован ва эцигунардай Управленидин (УСЕЗ) начальник Сердер Моллалиеван малуматрихъ яб акалайдалай къулухъ О. М. Абдулкеримова УЖКХ-дин руководителлани Самур дѣредин СП-рин къилерал цин провод кардик ахкатдалди жемят, машиндалди гъиз, хъвадай целди таъминарун тапшурмишна. И кар патал анализ цин махсус графикни тайинарна. Алай вахтунда цин къилин имарат ремонтунив эгечизава.







